

# **XVII SKUPŠTINA**

**Udruženja „Obrazovanje gradi Bosnu i Hercegovinu“  
23.06.2018. godine (subota) u 11,00 sati, Dobojska 4**

Broj: 2-52-1/18  
Sarajevo, 12.06.2018. godine

Gospodin/gospođa .....

Na osnovu člana 15. Statuta Udruženja "Obrazovanje gradi Bosnu i Hercegovinu"

**s a z i v a m**

XVI Skupštinu Udruženja „Obrazovanje gradi BiH“ za dan 23.06.2018. godine (subota) u prostorijama Udruženja s početkom u 11,00 sati.

Za Skupštinu predlažem slijedeći

**DNEVNI RED**

1. Izbor zapisničara i dva ovjerivača zapisnika
2. Usvajanje Poslovnika o radu XVII skupštine Udruženja
3. Izveštaj o radu Udruženja za period između XVI i XVII skupštine sa Finansijskim izveštajem, izveštajem izvršnog direktora, Upravnog odbora i Nadzornog odbora za period XVI – XVII skupština
4. Rasprava o izveštajima i usvajanje izveštaja
5. Odluka o dodjeli priznanja Udruženja
6. Odluka o izmjeni Statuta Udruženja
7. Plan rada Udruženja za period juni 2018.–juni 2019. godine
8. Finansijski plan Udruženja za period juni 2018.–juni 2019. godine
9. Tekuća pitanja

Uz poziv Vam dostavljamo materijale za tačke 2., 3., 5., 6., 7. i 8. dnevnog reda.

Molimo Vas da prisustvujete Skupštini, učestvujete u radu, a u slučaju spriječenosti izvijestite na telefon Udruženja broj: 033/710-580, 033/710-581.

**PREDSJEDNIK SKUPŠTINE**

**Almin Škrijelj**

Na osnovu člana 16. Statuta Udruženja „Obrazovanje gradi Bosnu i Hercegovinu“ XVII skupština Udruženja održana dana 23.06.2018. godine, u s v o j i l a j e

## **P O S L O V N I K** **o radu XVII skupštine Udruženja „Obrazovanje gradi Bosnu i Hercegovinu“**

### Član 1.

Poslovnikom o radu XVII Skupštine Udruženja „Obrazovanje gradi Bosnu i Hercegovinu“ bliže se uređuje organizovanje, način rada i donošenje odluka Skupštine, prava, dužnosti i odgovornost članova i drugih učesnika Skupštine, postupak i način izbora organa Udruženja i druga pitanja od značaja za nesmetan rad Skupštine.

### Član 2.

Skupština radi u plenarnom sastavu i čine je prisutni članovi Udruženja „Obrazovanje gradi Bosnu i Hercegovinu“, a kvorum za punopravno odlučivanje je nadpolovična većina prisutnih članova.

### Član 3.

Skupštinu otvara i njenim radom rukovodi predsjednik Skupštine, a u slučaju njegove odsutnosti potpredsjednica Skupštine. U slučaju odsutnosti predsjednika i potpredsjednice Upravni odbor će predložiti osobu za otvaranje i rukovođenje radom Skupštine.

### Član 4.

Predsjednik Skupštine utvrđuje broj prisutnih članova i o tome izvještava Skupštinu prije donošenja odluka i zauzimanja stavova o materijalima dnevnog reda Skupštine.

### Član 5.

Predsjednik Skupštine predlaže dnevni red na usvajanje. Nakon rasprave i eventualnih izmjena i dopuna isti daje na izjašnjavaње, nakon čega se smatra usvojenim ako se za njega izjasni nadpolovična većina prisutnih članova Skupštine. Poslije usvajanja dnevnog reda, Skupština radi po utvrđenom redoslijedu tačaka dnevnog reda.

### Član 6.

U skladu sa utvrđenim dnevnim redom Skupštine, članovi učestvuju u raspravi o dnevnom redu. Predsjednik Skupštine utvrđuje raspored i vremensku dužinu obraćanja do 3 minuta. Predsjednik Skupštine može upozoriti i opomenuti govornika koji odstupa od dnevnog reda i vremena odobrenog za obraćanje.

#### Član 7.

Kandidata za organe Skupštine Udruženja „Obrazovanje gradi BiH“ može predložiti prisutni član Udruženja. Predloženi kandidati biraju se javnim glasanjem, odnosno, pojedinačnim i tajnim glasanjem ako tako odluče prisutni članovi Skupštine.

#### Član 8.

Odluke Skupštine su pravosnažne kada predsjednik Skupštine utvrdi da je tok glasanja bio u skladu sa odredbama ovog Poslovnika i Statuta Udruženja „Obrazovanje gradi Bosnu i Hercegovinu“.

#### Član 9.

Zapisnik o radu Skupštine vode dva zapisničara i dva ovjerivača, koje na prijedlog predsjednika Skupštine izabere Skupština.

#### Član 10.

Poslovnik o radu XVII Skupštine Udruženja „Obrazovanje gradi Bosnu i Hercegovinu“ stupa na snagu usvajanjem od nadpolovične većine prisutnih članova.

Broj: 2-51/18

Sarajevo, 23.06.2018. godine

**PREDSJEDNIK SKUPŠTINE**

**Almin Škrijelj**

**I Z V J E Š T A J**  
**o radu za period između XVI i XVII skupštine**

## **I - UVODNI DIO**

Izveštaj o radu Udruženja za period između XVI i XVII skupštine sačinjen je na osnovu analitičkih, izvještajnih i informativnih dokumenata radnog osoblja, menadžmenta projekata i, stavova, zaključaka i odluka Skupštine, Upravnog odbora i Nadzornog odbora, baziranih na realizaciji Plana rada za period juni 2017.- juni 2018. godina.

Djelovanje Udruženja u izvještajnom periodu, kao i prethodnih godina, primarno je usmjereno na podršku obrazovanju mladih koji su tokom rata u Bosni i Hercegovini izgubili roditelje, invalidne, talentirane djece i mladih, djece i mladih romske manjine i socijalno ugrožene djece i mladih (korisničke grupe), kao i za psihosocijalnu rehabilitaciju, putovanja, ljetovanja, uključujući neformalnu edukaciju, rekreaciju, sport i zabavu.

S obzirom na prijetnje za održivost koje proizilaze iz pravnog, ekonomskog i donatorskog okruženja, razumljivo je zalaganje Udruženja za bolji tretman korisničkih grupa, pridobijanje donatora, odgovarajuće društveno pozicioniranje i medijsku pažnju.

To je zahtijevalo cjelishodno angažiranje ljudskih i materijalnih resursa i jačanje unutarnje strukture, kako bi se osigurala ne samo institucionalna i finansijska održivost, već i efikasna provedba programa, kao i zakonito upravljanje finansijskim sredstvima.

## **II – ODLUKE XVI SKUPŠTINE**

XVI skupština, održana 27.05.2017. godine, donijela je odluke o:

- Usvajanju Izveštaja o radu Udruženja za period između XV I XVI skupštine sa Finansijskim izvještajem, Izvještajem izvršnog direktora, Upravnog odbora I Nadzornog odbora.
- Dodjeli nagrade u 2017. godini, umjetnička slika autora Safeta Zeca, Elmedinu Bajramoviću, članu Upravnog odbora Udruženja „Obrazovanje gradi BiH“.
- Usvajanju Godišnjeg plana rada Udruženja u 2017. godini.
- Usvajanju Finansijskog plana Udruženja u 2017. godini.

Na osnovu odluka XVI skupštine, konkretizacijom Godišnjeg plana rada ostvarena je povezanost Skupštine, organa Skupštine, izvršno-radnog osoblja, donatora, sponzora, volontera i prijatelja s potrebama korisničkih grupa, finansijska održivost i društvena opravdanost postojanja i djelovanja u sferi civilnog društva.

## **III – OSTVARENJE PROGRAMA**

Godišnji plan rada Udruženja usvojen na XVI skupštini ostvaren je realizacijom zadataka iz godišnjeg plana rada Upravnog odbora, težišnih zadataka Udruženja, mjesečnih planova rada izvršno-radnog osoblja, projektnim aktivnostima u okviru finansijskog plana, u skladu s procjenama unutarnjih i spoljnih faktora, te utjecaja donatora, prijatelja, simpatizera i volontera Udruženja, naročito na:

- razvijanju sposobnosti i kapaciteta za održanje i proširenje korisničke baze;
- stabilnosti izvora finansiranja i samoodrživosti Udruženja;
- realizaciji programskih ciljeva od najvećeg interesa za korisničke grupe;

U cilju ostvarenja planskih zadataka intenzivirane su aktivnosti s ciljem prikupljanja sredstava za realizaciju programa i drugih obrazovnih potreba za sve korisničke grupe.

Uz navedeno, Udruženje je u 2018. godini izvršilo adaptaciju WC-a i kupatila i na taj način postiglo veću funkcionalnost, kao i ekonomičnost utroška vode i električne energije.

## **I. Stipendiranje, ljetovanje i materijalna podrška (školska 2017/2018. godina)**

### **1. Stipendiranje**

Iz donatorskih, sponzorskih i sredstava ostvarenih članarinom, privrednim i projektnim aktivnostima osigurana su sredstva za 3.240 mjesečnih stipendija za sve korisničke grupe u iznosu 322.680 KM.

**Vidjeti prilog broj: 1 - Prikaz stipendiranja i prilog broj 1a**

### **2. Ljetovanje**

Donatorskim sredstvima i participacijom Udruženja za troškove prijevoza, na ljetovanju u Bosni i Hercegovini 130-ero djece i mladih boravilo je 8 dana. Ukupni troškovi ljetovanja ostvareni su u iznosu od 15.749 KM. Materijalna podrška ostvarena je donacijama dvije nevladine organizacije i četiri poslovna subjekta iz Bosne i Hercegovine.

**Vidjeti prilog broj: 2 - Prikaz ljetovanja**

## **II. 2. Projektne aktivnosti**

Vlastitim radom i donacijama domaćih i stranih donatora, Udruženje je realizovalo projekte iz oblasti izdavaštva, edukacije, moralne i materijalne podrške korisničkim grupama.

### **II.2.1. Izdavačka djelatnost**

- Projektom Kalendar 2018. godine „Bonton“, angažovanjem radnog osoblja, ad hoc volontera, stipendista, članova Upravnog odbora na prodaji kalendara i sponzoriranjem reklamnom markicom planiran je prihod za stipendiranje najmanje 30 korisnika.

### **II.2.2. Psihosocijalni i edukativni projekti**

- Angažiranjem izvršno-radnog osoblja, projekt menadžera i volontera, i stručnim vođenjem psihologa u realizaciji psihosocijalnih i edukativnih projekata vrijednosti 53.258 učestvovalo je 95 korisnika.

**Vidjeti prilog broj: 3 - Prikaz psihosocijalnih i edukativnih projekata**

### **II.2.3. Međunarodni i regionalni projekti**

- U međunarodnim projektima procijenjene vrijednosti 10.900 KM, po pozivu stranih organizacija/donatora, učestvovalo je 12 članova Udruženja. Pored toga, Udruženje je sa Mebius filmom i Radiom Slobodna Evropa učestvovalo u realizaciji regionalnog TV projekta „Perspektiva“ koji se bavi problemima mladih sa prostora bivše SFRJ.

**Vidjeti prilog broj: 4 - Prikaz učešća u značajnim projektima drugih organizacija**

### **II.2.4 Dugoročni projekti**

- Nastavljene su aktivnosti na projektu “Malinjak Girona” tako što je na parceli u Malešićima datoj Udruženju na korištenje bez naknade, u 2016. i 2017. zasađeno 15 dunuma malina s ciljem da se prihod ostvaren volonterskim radom upotrijebi za finansiranje programa i funkcioniranje Udruženja.

**Vidjeti prilog broj: 5 – Prikaz operativnih troškova i radnika u projektu „Malinjak Girona“**

#### **II.2.5. Materijalna podrška**

Iz donatorskih sredstava stranih nevladinih organizacija učenicima OŠ „Mehmedalija Mak Dizdar“ Vitkovići podijeljeno je 150 kompleta školskog pribora, vrijednosti 5.000 KM.

**Vidjeti prilog broj: 6 – Prikaz materijalne podrške**

#### **4. Učlanjenje**

U izvještajnom periodu ostvareno je učlanjenje 256 građana iz BiH i inozemstva, pri čemu je ostvaren prihod u iznosu 11.005 KM.

**Vidjeti prilog broj: 7 – Prikaz članstva i prihoda od članarine**

#### **IV – FINANSIRANJE UDRUŽENJA**

Finansijska sredstava za ostvarenje programa rada Udruženja osigurana su iz sljedećih izvora:

- 1) samofinansiranjem putem izdavaštva, članarine, volonterskog rada i privredne djelatnosti;
- 2) sredstvima nevladinih donatorskih organizacija iz Bosne i Hercegovine i inozemstva na bazi projekata i,
- 3) sponzoriranjem projekata.

Prioriteti finansiranja bili su u funkciji:

- 1) programske djelatnosti;
- 2) funkcioniranja Udruženja;
- 3) stručnog usavršavanja, i
- 4) tekućeg održavanja.

Koncepcija finansiranja bila je bazirana na:

- 1) zakonitom upravljanju finansijskim sredstvima;
- 2) srazmjeri troškova programskih aktivnosti i funkcionalnih potreba na principu 3 : 1;
- 3) praćenju toka realizacije finansijskih sredstava kroz strukturu Udruženja, i
- 4) izvještavanju skupštinskih organa, Skupštine i državnih organa i institucija o realizaciji finansijskog plana.

#### **V - ČESTITKE**

U 2017. i 2018. godini, Udruženje je izabranim zvaničnicima, javnim radnicima, nevladinim organizacijama u BiH i inozemstvu, poslovnim subjektima, istaknutim sportistima i stipendistima putem elektronske i pisane pošte uputilo preko 500 novogodišnjih čestitki.

#### **VI – ODNOSI S JAVNOŠĆU I MEDIJSKA PODRŠKA**

O radu Udruženja priloge u 2017. i 2018. godini objavili su sljedeći mediji: Dnevni avaz, Oslobođenje, Klix.ba, BH Radio 1, Radio Sarajevo, TV 1, BHT 1, FTV, TVSA, TV N1, FACE TV, Source.ba, NTV Hayat.

Internet stranicu Udruženja posjetilo je u izvještajnom periodu 3.300 posjetitelja.

#### **VII – ZNAČAJNA PRIZNANJA DODIJELJENA UDRUŽENJU**

- Zahvalnica Bošnjačkog instituta-Fondacija Adil Zulfikarpašić

## VIII – UNUTARNJI KAPACITETI UDRUŽENJA

I – Osoblje	Broj	Status/napomena
I.1. – Stalni poslovi i zadaci		
Sekretar	1	Uposlenik
Projekt menadžer	1	Uposlenik
Asistent projekt menadžera	1	Uposlenik
II.1. – Privremeni i povremeni poslovi i zadaci		
Izvršni direktor	1	Po ugovoru
Knjigovođa	1	Po ugovoru
Higijeničarka	1	Po ugovoru
Projekt menadžer	1	Po ugovoru
Edukatori	1	Po ugovoru
Edukatori	3	Po volonterskom osnovu
Volonteri	20	U projektima
<b>II - Građevinski objekti-kuća Udruženja 294 m<sup>2</sup></b>	1	U vlasništvu
Uredski prostor	5	U funkciji
Biblioteka	1	
Muzej Udruženja	1	
Sala za konferencije	1	
<b>III - Uredska i tehnička oprema</b>		
Uredski namještaj	kpl	U funkciji
Personalni računar	7	
Aparat za kopiranje	1	
Video kamera	1	
Digitalni fotoaparati	1	
Automobil kombi Volkswagen	1	
Automobil putnički Opel Insignia	1	
Automobil Renault Kangoo	1	

- Udruženje u vlasništvu raspolaže nekretninama vrijednosti 550.000 KM.

TABELARNI PRIKAZI

Prilog b: 1

Tabelarni prikaz stipendiranja  
(septembar 2017. – juni 2018. godine)

Obrazovni nivo, spolna struktura i geografska pripadnost (školska 2017/2018. godina)

Septembar-decembar 2017. godine (4 mjeseca)								
Obrazovni nivo			Spolna struktura			Geografska pripadnost		
Učenci osnovnih škola	26	8%	Muški	153	45%	Federacija BiH	298	87%
Učenci srednjih škola	177	52%	Ženski	190	55%	Republika Srpska	42	12%
Studenti	140	45%				Brčko	3	
<b>S v e g a</b>	<b>343</b>			<b>343</b>			<b>343</b>	

Januar-juni 2018. godine (6 mjeseci)								
Obrazovni nivo			Spolna struktura			Geografska pripadnost		
Učenci osnovnih škola	26	8%	Muški	141	44%	Federacija BiH	277	87 %
Učenci srednjih škola	169	53%	Ženski	178	56%	Republika Srpska	31	10%
Studenti	124	32%				Brčko	3	
<b>S v e g a</b>	<b>319</b>			<b>319</b>			<b>319</b>	

Broj stipendista i iznos sredstava za stipendiranje (školska 2017/2018. godina)

Godina	2017. godina (4 mjeseca)				2018. godina (6 mjeseci)						
	IX	X	XI	XII	I	II	III	IV	V	VI	
Broj stipendista	343	343	343	343	319	319	319	319	319	319	Prosjek 328 stipendista
Iznos stipendija	32.700	32.700	32.700	32.700	30.605	30.605	30.605	30.605	30.605	30.605	Ukupno 322.680 KM

Finansijski iznosi za stipendije se razlikuju o odnosu na Finansijski izvještaj za 2017. godinu, s obzirom da isti tretira kalendarsku, a tabelarni prikaz školsku/akademsku godinu.

**P R I K A Z**  
**donatora programa stipendiranja u 2017/2018. školskoj godini**

**1. Građani iz BiH:**

Adi Tunović, Edina Rešidović, Elmedin Bajramović, Emina Gvoždždar, Lejla Dizdarević, Emir Kapidžić, Fatima Spahović, Halid Bikić, Hajra Borovina, Hajrija Grubert, Haris Halilović, Jasmina Pašalić, Kenan Nalbantić, Kemal i Suada Hanjalić, Mirsad Mešić, Nedžad Mutevelić, Nihad Borovina; Amela, Amra, Bahrija i Ibrahim Koluder, Milan Dunović, porodica Kopčić, Selma Mameledžija, Semin Petrović, Edin Mašić, Senada Alajbegović, Snježana Vidović, Suada Muminagić, Svjetlan Filipović, Zlata i Denijel Jazvin.

**2. Građani iz inozemstva:**

Aida Hanjalić-Beck, Aida Karahmet, Aida i Mensur Vojniković, Ajlin Muharemović, Amir Hadžiahmetović, Amra Čenanović, Amira i Seno Arslanagić, Amina Rayman, Amra Čenanović, Dženita Pašić, Enes Kišija, Ešefa Hadžiahmetović, Ferid i Gordana Jakupović, Haris Kremo, Munib Kulašin, Nađa i Hajrudin Pašić, Nerma i Malik Prohić, Nicole i Semir Arslanagić, Rasema Bašić, Rocco Liroy, Semir i Mahira Tanović, Wiliam Hunt, Zejna i Vildan Rustemov.

**3. Nevladine organizacije iz BiH:**

BIHAMK UG, Fond otvoreno društvo BiH, Fond „Pavo Jusuf Urban-Ibruljević“, La Benevolencija-Fond Tanje Mihač, UG Unija veterana JOB DF PIO.

**4. Nevladine organizacije iz inozemstva:**

Cercle du Rhin international, Diplomatski zimski bazar, La Viva, Comite catholique contra la Faim et pour le developpment, Francuska (CCFD), Udruženje Molfancone, Italija.

**5. Vladin sektor iz BiH:**

Općina Centar, Ministarstvo za rad, socijalnu politiku, raseljena lica i izbjeglice Kantona Sarajevo.

**6. Poslovni sektor iz BiH:**

Bosna Reosiguranje, Grafičar Promet d.o.o., Fond „Kemal Hasibović-Butmir doo“, IGMAN dd Konjic, Lutrija BiH, Megamix d.o.o., SCC.

VELPRO BiH-Šteta Adnan.

**7. Izdavačka djelatnost:**

Kalendar Udruženja

**8. Članstvo Udruženja :**

Članarina 256 učlanjenja iz BiH i inozemstva.

**9. Otkupom kalendara stipendiranje su najznačajnije podržali:** ALMY DOO, BH TELECOM, APOTEKA DELFIN, BIČAKČIĆ DOO, TVORNICA CEMANTA KAKANJ, FEDERALNO MINISTARSTVO ZA PITANJA BORACA I INVALIDA, ZENKO DOO ZENICA, EUROASFALT DOO, BIHAMK UG, PRIVREDNA-GOSPODARSKA KOMORA FBiH, GRAĐEVINSKI FAKULTET SARAJEVO, UNIFARM DOO, GRAD ZENICA, ENERGOINVEST DD, FARMAVITA, BERLIN-CHEMIE AG, ZIRA DOO, FEDERALNA UPRAVA ZA INSPEKCIJSKE POSLOVE, FEDERALNI ZAVOD MIO/PIO MOSTAR, ROCHE DOO, AMBASADA REPUBLIKE ITALIJE U BiH, REGIONAL COOPERATION COUNCIL, MIKROKREDITNA FONDACIJA SUNRISE SARAJEVO, ELEKTROPRIVREDA BIH, CENTRALNA BANKA BiH i dr., otkupljeni broj kalendara osigurao je stipendiranje 30 djece i mladih u kalendarskoj 2018. godini.

**P R I K A Z**  
realiziranog ljetovanja u 2017. godini

Br.	Lokacija	Period	Broj učesnika	Broj dana	Vrijednost u KM
1	Boračko jezero, BiH	Juli	130	8	15.749

**Sastav učesnika/grupa na ljetovanju**

<ul style="list-style-type: none"> <li>• Udruženje „Obrazovanje gradi BiH“</li> <li>• Zavod “Drin” Fojnica</li> <li>• Crveni krst Općine Novo Sarajevo</li> <li>• UG ORI “Budi mi prijatelj” Visoko</li> <li>• Udruženje “OAZA”</li> <li>• OŠ “Petar Kočić” Kozluk</li> <li>• Mladi iz Prijedora</li> <li>• Radioamateri FBiH</li> <li>• Odred izviđača “Neretva”, Konjic</li> <li>• Učesnici projekta psihosocijalne rehabilitacije (1 dan)</li> </ul>
---

**Izvori sredstava za ljetovanje**

Br.	U novcu	Vrijednost u KM	Napomena
1	Udruženje “Obrazovanje gradi BiH”	4.224	Troškovi smještaja i ishrane
2	Općina Centar Sarajevo	5.000	
3	Participacija organizacija učesnica	2.320	

B r.	U robama-poslovni sektor	Vrijednost u KM	Napomena
1	HO Sprofondo	4.205	Donacije u prehrambenim artiklima
2	Argeta d.o.o.		
3	Hoše Komerc d.o.o. Sarajevo		
4	Perutnina Ptuj		
5	Podravka		
6	Udruženje “Pomozi.ba”		

Cilj ljetovanja bio je socijalna integracija i razvoj kulture inkluzije kod djece i mladih različitih psihofizičkih sposobnosti i sticanje novih iskustava o jednakim mogućnostima kroz zajednički život, edukaciju, rekreaciju, sport i zabavu u istom okruženju.

Udruženje je, pored stipendista i članova, omogućilo ljetovanje na Boračkom jezeru korisnicima organizacija/ustanova koje brinu o osobama sa posebnim potrebama, romskim udruženjima i socijalno ugroženim kategorijama građana.

**Na ljetovanju su, pored sportsko-rekreativnih i zabavnih, realizirani slijedeći edukativni sadržaji:**

Nazivi edukativnih tema	Period	Broj učesnika	Vrijednost u KM	Edukatori
„Opasnosti prilikom boravka u prirodi“, „Prva pomoć povrijeđenim“, „Radio mreže-funkcionisanje bez internet“, „Ljudska prava u Ustavu Bosne i Hercegovine“, „Životne vještine“, „Ekologija i mladi“, „Djelovanje deminerskog tima u otkrivanju i uništenju mina“.	08.-16. juli	125	3.240	Volonterski rad aktivista Crvenog krsta Novo Sarajevo, članovi Udruženja „OG BiH“, Udruženja „ORI budi mi prijatelj“ Visoko, Radioamateri BiH, Federalna uprava civilne zaštite

Prilog br: 3

**PRIKAZ**  
psihosocijalnih i edukativnih projekata u 2017. godini

Naziv i lokacija projekta	Broj mjeseci	Broj učesnika	Vrijednost u KM	Donator/edukator
"Prevazilaženje posttraumatskog sindroma kroz psihosocijalnu pomoć, edukaciju i kreativni razvoj", FBiH.	11	60	47.640	Comite Catholique contra la Faim et pour le developement, Francuska
„Budimo humanISTI - razlike su u našim glavama“, Kakanj i Visoko	3	35	5.618	Ambasada Republike Austrije u BiH Raiffeisen bank dd BiH
<b>S v e g a:</b>	<b>14</b>	<b>95</b>	<b>53.258</b>	

Prilog br: 4

**PRIKAZ**  
učešća Udruženja u značajnim projektima drugih organizacija u 2017. godini

Naziv i lokacija projekta	Broj dana	Broj učesnika	Vrijednost u KM	Organizator
“Ljetna škola mira VoCE 2014-2018.”, Peronne (Francuska)	10	4	2.500	Francusko-njemački ured za mlade
“Vacances Europe Jeunesse”*	13	7*	8.000	Ville de Choisy le Roi, Morillon, Pariz (Francuska)
“Mladi o suočavanju sa prošlošću”, Vukovar	3	1	400	Inicijativa mladih za ljudska prava Republike Hrvatske
Serijal „Perspektiva“	TV emisije regiona posvećene mladim			U saradnji sa Mebius Film i Radio Slobodna Evropa uz podršku NED-a
<b>S v e g a:</b>	<b>26</b>	<b>12</b>	<b>10.900</b>	

**Napomena:** U projektu “Vacances Europe Jeunesse”, pored vođe grupe iz Udruženja “Obrazovanje gradi BiH”, učestvovala su djeca iz KJU Dom za djecu bez roditeljskog staranja.

**PRIKAZ**  
operativnih troškova volontera i radnika u projektu „Malinjak Girona“ u 2017. godini

Vrsta troška	Broj volonteri i radnika	Broj dana	Vrijednost u KM	Napomena
Rad na malinjaku-ishrana, prijevoz, dnevnice	30	65	7.261	
<b>S v e g a:</b>	<b>30</b>	<b>65</b>	<b>7.261</b>	

Napomena: Finansijski efekti projekta „Malinjak Girona“ biti će poznati 2018. i narednih godina.

**PRIKAZ**  
materijalne podrške u 2017/2018. godini

Vrsta podrške	Korisnici	Broj korisnika	Vrijednost u KM	Donator
Školski pribor	Učenici OŠ „Mehmedalija Mak Dizdar“ Vitkovići	<b>130</b>	<b>5.000</b>	Mara Fondacija i Kiwans klub, Njemačka
	Džemat Radmilja	<b>20</b>		
Sportska oprema	Romska nacionalna manjina	<b>220</b>	<b>40.000</b>	Provincija Girona Katalonija (Španija)

**Prikaz članstva Udruženja i prihoda od članarine**

Građani		Socijalna struktura		Svega	Prihod od članarine U KM
BiH	Inozemstvo	Studenti-učenici	Uposlenici-penzioneri		
213	43	221	35	<b>256</b>	<b>11.005</b>

Broj: 2-53/18  
SARAJEVO, 30.05.2018.

### **Izveštaj o radu izvršnog direktora Udruženja „Obrazovanje gradi BiH“**

U periodu između dvije Skupštine Udruženja „Obrazovanje gradi BiH“ u kontinuitetu sam se angažovao na sprovođenju misije *djeca žrtava rata – naša trajna briga* realizujući odluke Skupštine iz 2017. godine, zadatke od Upravnog odbora Udruženja i zadatke proistekle iz Statuta Udruženja.

Zajedno sa Upravnim odborom, radnim osobljem i partnerima Udruženja doprinio sam da se ostvare pozitivni rezultati u realizaciji strategijskog, godišnjeg i mjesečnih planova rada u periodu juni 2017.- juni 2018.

Moj doprinos opstojnosti Udruženja, vidim u slijedećem:

- sistematsko i kontinuirano, kvalitetno i svakodnevno praćenje rada radnog osoblja. Manji, nesvjesno učinjeni propusti u radu nisu uticali na izvršenje planiranih zadataka;
- podršci u realiziranju osnovnih projekata Udruženja: „Podrška aktivnostima Udruženja sa glavnim fokusom na prevazilaženju posttraumatskih posljedica djece, mladih i roditelja/staratelja“; stipendiranje; „Ljetovanje 2017“; „Kalendar – Bonton 2017“; Malinjak „Girona“; „Budimo humanISTI“ – sa djecom romske nacionalne manjine u Kaknju; „Perspektiva“ – u saradnji sa Mebius filmom;
- aktivnom učešću na domaćim i međunarodnim konferencijama i seminarima na kojima sam govorio o događanjima u ratu 1992.-1995., te sadašnjoj društveno-političkoj i ekonomskoj situaciji u BiH. Između ostalog, boravio sam u Washingtonu, Bergamu, Bresci, Bolzanu, Trentu, Choisy Le Roi, Dijonu, Trstu, Modeni, Brezi, Bosanskoj Krupi, Brčkom.
- ostvarenim neposrednim vezama sa ministrima u kantonalnim i federalnim institucijama: Mirvad Kurić, Amela Dautbegović, Edita Đapo, Vesko Drljača, Muharem Fišo, Abdulah Skaka i ambasadorima država koje imaju svoje ambasade u BiH: Velike Britanije, Francuske, Švicarske, Belgije i međunarodnih asocijacija Conrad Adenauer, Friedrich Ebert Stiftung, Heinrich Böll. Produžena je saradnja sa Vladom Regije Girona (Španija);
- u kontaktima s vodećim i pisanim i elektronskim sredstvima javnog informisanja upoznavao sam javnost o radu Udruženja, o pozitivnim rezultatima i podršci pojedinaca i privrednih subjekata;
- punoj afirmaciji Udruženja doprinio sam u kontaktu sa mladima koji posjećuju Udruženje, naročito iz Italije, kao i onih iz Francuske, Njemačke, Belgije i dr. Ovoj aktivnosti značajan doprinos dale su zaposlenice u Udruženju Mersiha Turudija i Melina Dželović;
- ostvario sam veći broj sastanaka sa građanima pružajući im pomoć u rješavanju životnih problema.

Cijenim da sam uspješno obavljao poslove izvršnog direktora iz domena nadležnosti i doprinio ukupnim pozitivnim rezultatima u zajedničkom radu sa radnim osobljem.

**IZVRŠNI DIREKTOR**

**Jovan Divjak**

Broj: 2-23-1/18  
Sarajevo, 05. 06.2018. godine

## **IZVJEŠTAJ** **Upravnog odbora**

Upravni odbor u sastavu: Redžad Ćatić, predsjednik; Mehmed Agić, potpredsjednik; Esma Brković, Ibrahim Koluder, Elmedin Bajramović, Fejsal Hrustanović i Sanja Delija članovi, u izvještajnom periodu, na 4 sjednice, u funkciji vođenja politike i upravljanja radom Udruženja, u skladu s odredbama Statuta Udruženja, Godišnjeg plana rada Upravnog odbora u 2017. godini, odluka XVI skupštine i na osnovu analitičkih, planskih, izvještajnih i informativnih materijala izvršno-radnog osoblja donio je odluke i zaključke o slijedećim dokumentima i aktima:

- Analiza i ocjena rada Upravnog odbora u 2016. godini
- Plan rada Upravnog odbora za 2017. godinu
- Izvještaj o radu za period između XV i XVI skupštine
- Izvještaj o realizaciji Plana prihoda i rashoda Udruženja u 2016. godini
- Izvještaj o radu izvršnog direktora u 2016. godini
- Plan prihoda i rashoda Udruženja za 2017. godinu
- Godišnji plana rada Udruženja za 2017. godinu
- Izvještaj Nadzornog odbora za period između XV i XVI skupštine
- Priprema materijala i organiziranje rada XVI skupštine Udruženja
- Sprovođenje odluka XVI skupštine Udruženja
- Informacija o realizaciji projekata Udruženja
- Izvještaji/informacije o realizaciji programskih ciljeva
- Lobiranje za podršku radu Udruženja
- Realizacija i drugih zadataka koji proizilaze iz Statuta, programa i akata Udruženja

Pored navedenog, članovi Odbora su učestvovali u novogodišnjem druženju članova, donatora i prijatelja Udruženja.

Ostvarena je uspješna saradnja i koordinacija Odbora sa izvršno-radnim osobljem, posebno u obavezama pripreme sjednica i u sprovođenja u život zaključaka, stavova i odluka Odbora i Skupštine Udruženja.

Sjednicama je prisustvovao izvršni direktor, pri čemu je, zajedno sa radnim osobljem, izvještavao o realizaciji odluka i zaključaka donijetih na sjednicama Odbora.

Članovi Odbora podržali su aktivnosti izvršnog direktora i radnog osoblja na ostvarenju planskih, programskih i projektnih zadataka, osiguranju finansijske stabilnosti i funkcionalne održivosti Udruženja, te su rad izvršno-radnog osoblja ocijenili veoma uspješnim.

**PREDSJEDNIK UO**

**Redžad Ćatić**

Broj: 2-45/18

Sarajevo, 25.05.2018. godine

## **IZVJEŠTAJ** **Nadzornog odbora**

Nadzorni odbor Udruženja "Obrazovanje gradi Bosnu i Hercegovinu" u sastavu:

1. Sead Spahović, predsjednik,
2. Smail Vilić, član,
3. Sead Miljković, član,

na osnovu člana 24. Statuta, Nadzorni odbor Udruženja "Obrazovanje gradi BiH" u gore navedenom sastavu izvršio je u prostorijama Udruženja dana 25.05.2018. godine pregled finansijsko-materijalnog poslovanja Udruženja u 2017. godini.

Odboru je predočena originalna finansijska dokumentacija: finansijski planovi i izvještaji o realizaciji finansijskih planova sa pratećom dokumentacijom:

- izvodi,
- blagajna,
- računi,
- odluke o isplatama, i
- ostala finansijska dokumenta.

Uvidom u dokumentaciju, Odbor je utvrdio da ona odgovara stvarnom stanju iskazanih prihoda i rashoda za kontrolisanu godinu.

Završni račun Udruženja za izvještajni period predat je Poreskoj upravi Federacije BiH u skladu sa Zakonom o računovodstvu i u zakonom predviđenom roku, kao i Ministarstvu pravde BiH.

Odbor je konstatovao da su donatorska, budžetska i sredstva ostvarena djelovanjem Udruženja pribavljena na zakonit način i utrošena u skladu sa misijom i programskim ciljevima za stipendiranje, psihosocijalnu rehabilitaciju, ljetovanje, privrednu djelatnost i za funkcionisanje Udruženja, kao i da nije bilo propusta u primjeni odredaba Statuta u smislu nezakonitog i nenamjenskog trošenja sredstava Udruženja.

Odbor nije imao primjedbi na način upravljanja sredstvima, formiranje, odlaganje i čuvanje materijalno-finansijske dokumentacije, uz napomenu da je radno osoblje Udruženja omogućilo Odboru uvid u finansijsko-materijalnu dokumentaciju i druge relevantne informacije s tim u vezi.

**PREDSJEDNIK NO**

**Sead Spahović**

## Zaključci

- Plan rada za 2017. godinu u proceduralnom, metodološkom i sadržajnom smislu uspješno je realizovan djelovanjem Upravnog odbora, Nadzornog odbora, izvršno-radnog osoblja, menadžmenta projekata, ad hoc volontera.
- Ostvaren je kontinuitet djelovanja na ostvarenju programa, kao i efikasno upravljanje, rukovođenje i kontrola korištenja resursa, prikupljanju sredstva i razvijanju odnosa sa korisnicima, donatorima i zajednicom.
- Realizirana je planirana podrška korisničkim grupama, pri čemu je evidentan porast potreba djece i mladih iz socijalno ugroženih porodica u odnosu na druge korisnike iz prethodnih godina.
- U vezi s naprijed navedenim, radi bioloških razloga, smanjen je broj korisnika u kategoriji „Djeca koja su tokom rata u Bosni i Hercegovini izgubila roditelje“ i „Invalidna djeca“, što podrazumijeva redefiniciju prioriteta korisničkih grupa u narednom periodu.
- Podrškom donatora, sponzora i prijatelja iz BiH i inozemstva izvršno-radnom osoblju je omogućen efikasan rad na provedbi projektnih i planskih aktivnosti, i razvoja saradnje sa sličnim nevladinim organizacijama.
- S obzirom na to da neizvjesnost donatorske podrške može dovesti do slabljenja sposobnosti za ostvarenje programa, nastavljene su aktivnosti na projektu “Malinjak Girona” s ciljem postizanja većeg stepena finansijske samoodrživosti.
- Konstatovana je zabrinjavajuće nerazvijena svijest prema volonterskom radu i omladinskom aktivizmu, i negativan odnos korisnika u značajnim aktivnostima Udruženja kao npr. „Malinjak Girona“, kao i učesnica projekta psihosocijalne rehabilitacije.
- Ekonomska situacija i drugi poslovni razlozi utjecali su na slabljenje donatorske podrške poslovnog sektora, naročito nekoliko značajnih ranijih kupaca godišnjeg kalendara Udruženja, kao i „top“ menadžera.
- Iskustva iz 2017. godine u najvećoj mjeri zahtijevaju od organa Skupštine, izvršno-radnog osoblja, menadžmenta projekata i volontera puno angažovanje na osiguranju finansijske održivosti, efikasnom korištenju raspoloživih resursa i afirmaciji misije Udruženja u Bosni i Hercegovini i inozemstvu.
- Sredstva javnog informiranja posvetila su značajnu pažnju pravovremenom, istinitom i objektivnom informiranju građana o svim važnim aktivnostima Udruženja u izvještajnom periodu.

**PREDSJEDNIK UO**

**Redžad Ćatić**

**SUMARNI PRIKAZ**  
ostvarenja najznačajnijih programskih ciljeva 1994 – 2017. godina

<b>Programski cilj/projekat</b>	<b>Broj korisnika</b>	<b>Vrijednost u KM</b>	<b>Napomena</b>
Stipendiranje	<b>6.746</b>	<b>6,041.005</b>	Uključeno 655 romskih stipendija, zaključno sa 30.06.2018. godine
Psihosocijalna podrška	<b>785</b>	<b>642.035</b>	Psihosocijalne i kreativne radionice sa djecom i roditeljima/starateljima
Materijalna podrška	<b>45.294</b>	<b>2,975.948</b>	Školski pribor, sportska oprema, medicinska i higijenska sredstva odjeća, obuća, hrana, novogodišnji paketići, edukacija i sl.
Ljetovanje/zimovanje	<b>4.188</b>	<b>1,126.473</b>	U BiH, 16 evropskih i 2 vanevropske zemlje
Opremanje škola u BiH	<b>20 škola</b>	<b>402.000</b>	Nastavna učila, informatička oprema, školski pribor, sportski rekviziti, adaptacija i sl.
<b>Svega</b>	<b>57.198</b>	<b>11,187.461</b>	

**Napomene:**

- Sumarni prikaz predstavlja najznačajniju materijalnu i moralnu programsku podršku korisničkim grupama u dvadesettrogodišnjem djelovanju Udruženja.
- Broj direktnih korisnika je znatno veći kada se uzme u obzir broj učenika koji su u 20 škola koristili dodijeljena materijalna sredstva i druge oblike podrške.

Broj: 2-23/18

Sarajevo, 05.06.2018. godine